

Universitätsbibliothek Wuppertal

Epistolæ obscurorum virorum

cvm inlvstrantibvs adversariisqve scriptis

Textvs

Hutten, Ulrich von

Lipsiæ, 1864

27. Ioannes Stablerius Miltenpurgensis

Nutzungsrichtlinien Das dem PDF-Dokument zugrunde liegende Digitalisat kann unter Beachtung des Lizenz-/Rechtehinweises genutzt werden. Informationen zum Lizenz-/Rechtehinweis finden Sie in der Titelaufnahme unter dem untenstehenden URN.

Bei Nutzung des Digitalisats bitten wir um eine vollständige Quellenangabe, inklusive Nennung der Universitätsbibliothek Wuppertal als Quelle sowie einer Angabe des URN.

[urn:nbn:de:hbz:468-1-976](https://nbn-resolving.org/urn:nbn:de:hbz:468-1-976)

pes debent honorem et reverentiam facere Theologis et magistris nostris. Tunc ille iurista respondit, et præcise in contrarium allegavit suas leges et multas scripturas, quia scriptum est: 'Qualem te invenio, talem te iudico'. sed nemo tenetur facere ei reverentiam qui non incedit qualiter debet, etiam si esset princeps. Et quando presbyter reperitur in aliquo indecenti opere et non est vestitus sicut sacerdos esse debet, sed habitu seculari, tunc iudex secularis potest eum habere et tractare pro homine seculari, et afficere eum pena corporali, non obstantibus privilegiis clericorum. Sic dixit ille iurista; sed vos debetis mihi significare mentem vestram, et si non scitis per vosmetipsum, tunc habetis consulere iuristas, et Theologos in universitate Coloniensi, quod sciam veritatem: quia deus est veritas, et qui amat veritatem, amat etiam deum. Similiter debetis notificare mihi quomodo procedit in vestra lite contra doctorem Reuchlin. Ego audio quod ipse est depauperatus, propter magnas expensas, et valde lætor, quia spero quod Theologi erunt victores et vos etiam. Valete in nomine domini. Datum Franckfordiæ.

27.

Ioannes Stablerius Miltenpurgensis

salutem dicit

Magistro Ortino Gratio.

20

Sicut semper cupivistis a me habere novitates, iam est tempus quod debeo et possum vobis nova scribere, quamvis doleo, quia non sunt bona. Sciatis quod fratres de ordine prædicatorum habuerunt hic indulgentias quas impetraverunt in curia romana magnis expensis, et collegerunt etiam satis magnam pecuniam. tunc de nocte venit quidam fur in ecclesiam et accepit plus quam trecentos florenos, et furatus est eos. et isti fratres viri zelosi et in fide christiana valde bene affectionati tristes fuerunt, et conqueruntur de illo fure. Sed cives miserunt undique et non possunt reperire eum, quia aufugit, et habet secum pecuniam. Et est magna nequitia, quod hoc debet fieri in indulgentiis papalibus, et in loco sacro: ipse est excommunicatus, sit ubi sit. Homines qui sunt absoluti et dederunt pecuniam suam ad illam cistam, nunc putant quod non sunt absoluti: sed nihil est: ipsi sunt ita bene absoluti ut si fratres prædicatores haberent adhuc pecuniam suam. Etiam sciatis quod isti qui sunt ex parte Doctoris Reuchlin, vadunt hic et faciunt multos rumores, quia dicunt quod fratres prædicatores propterea impetrant illas indulgentias in curia romana, quod cum illa pecunia volunt vexare ipsum doctorem et tribulare eum in causa fidei; et quod

¹⁹ S. D. 1...3. ²⁰ M. 1...3. ²¹ cupuistis 3. ³⁷ . Et 1. 3. , Et 2.

homines non debent eis dare aliquid, in quocunque statu fuerint, sive alto
 sive basso, sive ecclesiastico sive mundano. Nuper fui Moguntię in actu
 illo quem celebraverunt magistri nostri contra Reuchlin: tunc est ibi qui-
 dam prædicator in summo qui est magister noster promotus in Heydel-
 5 berga et vocatur Bartholomęus Zehender, latine Decimarius: ille publicavit
 in ambone quod homines deberent convenire ad sequentem diem et videre
 quomodo Speculum oculare combureretur: quia ipse putabat quod non
 esset possibile, quod doctor Reuchlin posset invenire unam fallaciam quod
 illud non fieret: tunc unus socius qui est ibi, et dicunt quod est poeta,
 10 circumvixit et seminavit pessimos sermones contra prædictum magistrum
 nostrum, et quando obviavit ei, tunc aspexit eum aspectu draconico et
 venenoso. Et dicit publice: 'Iste prædicator non est dignus quod debet
 sedere in mensa ubi sedent probi viri, quia possum probare quod est
 nequam et pultronus, quia in ambone in ecclesia vestra coram omni populo
 15 mentitus est contra famam unius excellentis viri, et dixit illa quę non sunt
 facta'. Et prætenditur dici: 'ex invidia tribulant istum bonum doctorem';
 et appellavit eum bestiam et canem; et dixit quod nullus pharisęus unquam
 fuisset ita nequiosus et invidus. et venit talis sermo ad prædictum ma-
 gistrum, et ipse excusavit se sufficienter, ut mihi videtur, quia dixit quod
 20 quamvis non combustus est ille liber, tamen fortassis comburetur in poste-
 rum. Et allegavit scripturam sacram in multis passibus, quod non est
 mendacium quando aliquis dicit aliquid pro fide catholica. Et dixit quod
 balivi et officiales Episcopi Moguntinensis impediverunt illum factum contra
 omnem equitatem. Sed homines deberent videre quid post hac contingeret.
 25 quia ipse vellet esse propheta quod ille liber combureretur, etiam si im-
 perator et rex Francię, et omnes principes et duces starent pro doctore
 Reuchlin. Talia volui vobis significare, ut essetis cavisatus. et rogo vos
 quod velitis esse diligens in negociis vestris, ne incurratis scandalum. et
 sic valete. Datum in Miltenpergk.

28.

Frater Conradus Dollenkopffius

Magistro Ortvino Gratio

Salutem et devotionem humillimam cum orationibus quotidianis apud do-
 minum nostrum Iesum christum. Venerabilis vir, non habeatis molestiam
 35 quod scribo vobis de negociis meis, cum vos bene habetis maiora pro
 agendo. sed dixistis mihi olim quod deberem vobis semper scribere quo-

⁸ doc. 1.2. d. 3. ¹² putron 2. ¹⁶ Et pretenditur dici ex] *malis* Et pretendit
 nel dixit 'ex *aut* pretenditur dixisse 'ex *etc.* ²³ balini 1.3. batini2. illū 1...3.

³² M. 1...3. ³³ quotidianis 2.